

樊樊山尺牘

樊樊山尺牘

中華民國十一年六月初版
中華民國十六年三月五版



分售處

各省中華書局

發行所 中華書局

發行所 上海南京路 文明書局

印發 刷行 者兼 文明書局

編輯者 文明書局

會燕生尺牘一冊二角
樊樊山尺牘一冊八分
俞曲園尺牘一冊二角五分
康南海尺牘一冊七分
吳肇甫尺牘二冊四角
林畏廬尺牘一冊七分
王益吾尺牘一冊一角
章太炎尺牘一冊一角
王壬秋尺牘一冊二角
梁任公尺牘一冊一角五分
以上十種合購定價大洋一元三角

樊樊山尺牘

啓

上張尚書啓

上黃廉憲啓

上葉中丞啓

與張學士啓

與前任某君啓

與後任富平令啓

致毛世凡公啓

復柯學憲啓

賀邊中丞調撫河南啓

代南皮師致彭宮保啓

代南皮師與前制府張公啓

代南皮師致兩廣李督部啓

代南皮師復趙提學賀

代南皮復兵部六堂公啓

代南皮師復曾宮保賀任啓

代張中丞賀陝甘制府楊到任並加官銜啓

代定興公致額中堂賀冬啓

代定興公致許尚書賀冬啓

代定興公致孫尚書賀冬啓

代定興公致高陽相國賀冬啓

代定興公致同年諸公賀冬啓

代定興公致錢侍郎賀歲啓

代定興公致閻中堂賀歲啓

代定興公覆陝西京官賀年啓

代定興公致譚侍郎賀歲啓

請李愛伯先生主盍簪社啓

四月四日醮客龍樹寺啓

約王殿撰看花啓

家大人六十生日徵詩文啓

以絡緯致愛伯師啓

年節饋太守食物及詩扇啓

謝榮將軍惠連環銀藥瓶啓

謝友人惠冰啓

謝荊州太守和詩啓

謝南皮師贈婚費書

謝愛伯師惠瓜啓

謝愛伯師賚石華粉啓

唁顧嵯憲啓

書

與張樵野觀察書

上南皮夫子弟二書

上彭中丞書

與分修諸子論志事書

與陳汝翼書

與邵小村觀察書

答潘鳳洲孝廉書

至宜川與友人書

與陳伯雙書

下第答友人書

樊樊山尺牘

啟

上張尚書啟

月日。由宜昌鎮轉寄電音。敬承風愴。將使襄辭。於古籍。治機要之文書。伏念某。早侍經帷。叨
慶記室。能令公喜。久期台輔。於東亭。無酌我多。屢與尊壘。於北海。屬睽離於萬里。失起居者五
年。自溫公再入中書。安世遂疏於啟事。然忠獻昔曾宏獎。王巖肯事於他人。孤露自憐。春風非
遠。恭維某官。北斗孤杓。南天一柱。帝心簡在。則待以宋璟姚崇。士望攸歸。則比於孟軻韓愈。閒
者止戈為武。偃伯修文。羅幕下之淵雲。躋海濱於鄒魯。芙蓉絕市。有過少穆之英猷。俎豆升堂。
遠邁儀徵之學海。猶復遠招王粲。屢辟荀慈。莫收樗櫟之材。庶獲壤流之助。因念古者一開霸府。
多致英流。是以鄴下浮瓜。七子握靈蛇之寶。淮南餐桂。八公從文鹿之遊。以至梁苑詞人。高齋
學士。錢唐上表。中朝識羅隱之文。澤潞飛書。梁祖畏李生之筆。凡以立言者不朽。行遠者以文。
雖甚奸慝。讀檄草而魂驚。雖有仇讐。見篋書則意轉。從來有國。不廢詞科。自昔雄藩。皆資參佐。
要其人才之聚散。亦視府主之禮羅。故杜襲不屈於景升。而彭羕自媒於龐統。牛奇章英識遠
量。則狂如杜牧而亦見容。袁本初內忌外寬。則賢如田豐而不能用。試數中興之賢佐。無若湘
鄉之愛才。語其上客。則有邵紫虛莫邵亭。戴子高徐西叔之倫。論其鄉英。則有李天岳吳南屏
鄧伯昭劉孟容諸彥。將相多出其門下。英雄半入於彀中。自爾以還。風流稍闕。平遠好賢而不

學湘陰尚氣而負才。有其才而不及知。知其賢而弗為用。惟我夫子臺閣歐蘇。禁廷頗牧。陸贄草興元之詔。感動人心。贊皇諭魏博之文。曲盡上意。頃歲殫心於開濟。固難專力於文詞。乃就越華之臺。大啟平津之館。八百孤寒之士。不望崖州。三千桃李之陰。幾滿天下。蓬來雲氣。想翔翥於龍鸞。山海門庭。任優游於魚鳥。顧猶曲憐舊物。遠召鰥生。惟是某伏處苦廬。未安窀穸。一卻豫州之聘。尚稽吳苑之遊。留滯關中。消磨病裏。尚俟慈轡南返。馬鬣告成。乃能矯翼江東。揚帆海表。近舍皇甫湜。遠徵居易。在晉公固亟於收羅。既謁韓太尉。復見歐陽。在蘇轍敢憚於奔走。時擬由吳入粵文章光氣。定爭南海之明珠。几席清談。可少東方之編貝。謹修簡牘。伏候起居。投措無方。專謁有日。

上黃廉憲啟

一去門牆。數更鱸筯。屬以牙於西指。手板東迎。昔稱都講於堂中。今習趨蹌於道左。先生莞爾。舉國欣然。恭惟某官紫氣臨關。清標竦嶽。聽訟甘棠之下。陝以西召伯主之。蒐才樂龍之中。斗以南梁公而已。未秉柏臺之節。遂開紅榴之藩。時方署布政使慎筭度支。急收才俊。過先公之東閣。避食不遑。問講舍於關中。及門猶盛。前為師而後為憲。施於政教而兩不疑。上立德而次立功。合之文章為三不朽。獨念秦中。自經荒饑。頗甚凋殘。夫何至此極耶。曰兵也。曰歲也。尚有言興利者。為官乎。為私乎。前既開源而節流。近復造冊而徵信。其指制官吏。若縛牛衡軼之上。而隨以鞭笞。其煩擾小民。若置魚泥淖之中。而恣其蕩滴。其實關中之治。迥非流俗可同。室鮮酣歌。恒舞

之娛門無女謁苞苴之累其人才如孟公綽之仕魯可為老未可為卿其行事如江夏王之用兵無大敗亦無大勝明公若求非常之才與之上下縱橫共贊神武中興之烈則秦國聞其無人則得安靜之吏與民休養生息使無嘆息愁恨之聲則如某比者甚眾儼蒙芻蕘之下採當效駢角之舉知某某緊縣頻移初心靡改屬閭閻之未靖遂瞻謁之猶疏曾依儉府之蓮花可云有耀既作公門之桃李豈得無言

上葉中丞啟

月前胡令傳諭毛文達公夫人七十生日明公議集同門遙申華祝屬學使撰文命增祥製錦尋奉學使來翰謙讓未遑輒手自撰寫以副明命伏念增祥一持手版遂棄毛錐耳熟析楊目疲朱墨數行顛草難禁牘尾之相求五色江花久已夢中而奪去今茲塗抹實愧荒蕪良以結習未忘求人匪易重搏下車之虎士者笑之如牽上水之船公其莞爾謹將製成金屏十二幅匿襲完固隨狀上呈伏希省覽肅送不宣

與張學士啟

勝負兵家之常一嘗不掩賞刑朝廷之柄萬里遙歸無待馬角之生已邀雞竿之赦某官起家中禁捍患危疆屬鯨浪之未平遂龍沙之遠戍三年不見帝念賈生之才一障可乘人忌狄山之直終回天鑒重返帝鄉海濱鐵拄杖隨學士以東還頭上玉門關喜君侯之生入恩綸入耳雪涕沾膺而或者苛責夷吾深譏范蠡則長勺未捷以前魯侯不疑於曹沫彭衙拜賜而後秦

伯猶用夫孟明。能為留侯之忍。則項可滅。而劉可興也。倘服得臣之刑。是晉再克而楚再敗也。故恩牛怨李。每致清於功罪之間。而杵臼嬰難。全不繫乎死生之際。勉持晚節。一雪羣言。某某九邊馳馭。三輔羈縻。詠飛鴻而公袞來歸。比烏鳥而我頭將白。敢修簡畢。用布腹心。閱校尉戎己之屯。知益精於邊事。編更生甲乙之集。願勉和於新詩。

與前任某君啟

兩人共楫。互相濟於風濤之中。幾日淘金。甘自居於瓦礫之後。每師前事。極愜中藏。某官清比晉人。循知漢吏。其言有醴醴之致。味美於回。所至無赫赫之功。愛嘗在去。交纔傾蓋。懽若平生。某通籍十年。服官百里。功名不進。騎州生見笑之。土牛材器弗如。取桓公所棄之竹馬。

與後任富平令啟

美田禾黍。新來雨露之滋培。繞郭荷花。小作湖山之交代。回看舊地。奚啻仙都。敬惟某兄才氣無雙。治行第一。山東出相。卻要微知郡縣之勞。朝右興賢。行看內筦駁違之寄。君山東人。嘗茲以御史自命。茲為羊角。佇晉鶯喬。某糠粃滋慚。芝蘭同味。定識劉郎去後。元都添千樹之花。爭傳李令來時。淮右有一新之壘。其為縶服。曷既敷宣。

致毛世兄公啟

燕秦伊阻。鱗羽長稀。前奉瑤緘。遠徵吉語。欣諭師母大人。兕觥介祉。鶴紵延釐。芝蘭玉樹。生庭階。奉起居於八座。故吏門生。滿天下。祝壽考於期頤。我世兄。紗幔傳經。蘭臺授筆。采芝菊而綏。

純嘏合桃李以報春暉。遙企鯉庭。莫名燕賀。某等鵷圻遠宦。魚頌同殷。謹製金屏。副以丹幃。尊疊開北海。愧未與於賓筵。朝莫對南山。如親承夫色笑。

復柯學憲啟

昨貢青羸一頭。上備驅策。伏蒙手書諭謝。兼賜新刊列女傳二冊。發函伸紙。懽喜受持。竊惟贈車訪於淵路。而莫古於隨武子之去秦。畫像起於仇唐。而莫精於小娘。環之仿宋。何期絲鞵。易此綫裝。執鞭遠慕於晏嬰。校書自慚於劉向。愛士而求駿骨。行歸按燕市之圖。換馬而用蛾眉。請視此屏風之畫。敢持鏤管。遙送星輶。東華故人。並祈慰問。

賀邊中丞調撫河南啟

某聞以身許國。非臣子之所得私。任官惟賢。乃朝廷之所甚急。霖雨方期於澤物。卿雲何意於還山。恭惟某官。德應中菴。名高太華。盱衡三輔。實為天下之雄。前後十年。遂建關中之節。公初為陝西糧道。不十

年而至。巡撫時和歲稔。吏畏民懷。減助役之錢。去民所必欲去。議手實之法。言人所不敢言。屬

以時局艱難。病心鬱悒。將抽身於綠野。遂拜疏於丹宸。我皇太后皇上。優禮儒臣。深維疆寄。以

為獫狁內侵之日。有方召居鎮。則民賴以安。宣仁簾聽之朝。非韓富諸賢。而誰與為治。暫假三

旬之休沐。俄傳九陞之除書。爰詔秦梁。互移麾纛。八方風雨。將和會於中州。劉夢得上晉公詩。八方風雨會中州。

兩鎮旗牙。遂交迎乎上將。宋曾文肅與弟文昭公互為節度。有句云。兩鎮交迎上將牙。其在於昔。惟周公召伯治東西二陝。

而齊名。其在於今。則湘鄉合肥督南北兩洋而互易。凡此封圻之嘉話。具見廊廟之苦心。獨念

秦中一困於兵。再荒於歲。其散常在民。河南大則侵帑。小則飾災。其患常在吏。故入關咨父老之疾。愛甚於威。而治梁用惠文之冠。寬後於猛。此惜寇君之去。則滿路香花。彼望郭侯之來。則連村竹馬。某某一官塵土。兩月春風。自憐紙上之蠅。難隨驥尾。略似河中之鯉。不過龍門。遙燭心香。肅將手版。感深知已。每惜士元非百里之才。僻在荒陬。不草羊公謝開府之表。

代南皮師致彭宮保啟

加官不拜。久騎湖上之驢。奉詔即行。誓翦海中之鯪。艱難時局。矍鑠是翁。恭惟某官嶺外長城。中朝柱石。獨開一府。羅枚馬於軍前。並用五材。走孫吳於帳下。遠聳壯略。實啟愚心。某來觀上京。權移南海。欲金湯之孔固。幸黃石之可師。一切機宜。專求裁斷。現擬某月日輕騎出都。乘輪渡海。遂公上下。譬龍乘雲氣而遊。授我攸鈴。請虎帥國人以聽。先布胸臆。敬問起居。

代南皮師與前制府張公啟

杜預接峴山之席。敢謂齊名。凌統將公瑾之軍。惟堪整護。言瞻宗袞。極切欽遲。敬維某官表海英風。臨淮偉望。攻心定策。絡繹征蠻之書。曳足勞軍。咄咤飛鳶之水。將士迪其果毅。九重鑒其樸忠。屬弟覲闕之辰。當公乞病之日。遂承中旨。權督南疆。召未去而杜來。蕭有規而曹守。夙知執事公忠體國。置腹推心。尚望鑒我愚誠。詳告舊政。艱難共濟。本無疆畛之分。先後相承。彌見鍼砭之合。

代南皮師致兩廣李督部啟

廿年不見。依然潞國之精神。兩鎮交迎。顏類文昭之兄弟。金符迭代。丹悃交馳。敬維某官橫海英聲。臨淮宿望。沈香水碧。喜吳隱之重來。衣錦山高。何秦陀之敢肆。武紆天顧。深賴勳門。弟還珠南海。已媿枕前。種柳西門。又慚礫後。春風依舊。猶自著桃李之花。爰舍如新。敢不受甘棠之樹。
代南皮師復趙提學賀

是舊日輜軒之地。旌節重臨。羨後來館閣之英。聲名居上。迺承藻翰。彌憫蓬心。就諗某兄。化被荃蘭。春濃芹藻。量來玉尺。炳江漢之靈文。度到金針。壓海濤之舊繡。訪永叔臨池之蹟。春水方生。登青蓮問月之亭。青山獻笑。丕興文教。益暢英游。僕再過兩齋。已逾廿載。郭伋見并州之士庶。不少逢迎。顓孫教子夏之門人。喜無同異。

代南皮師復兵部六堂公啟

職分中外。本對掌於戎樞。望重台衡。每推誠於疆吏。欣承吉語。式愜忭私。敬維某官文武兼資。功言並立。指授方略。周知域中四夷八蠻之情。召對闕廷。能言天下勁馬精兵之數。英猷遠企。芳佩攸資。某重到荆湖。屢更葵序。天生五材。而民並用。敢弛備於承平。制勝千里。而人不知。賴運籌於帷帳。

代南皮師復曾官保賀任啟

長江風利。龍驤假我以樓船。鄂渚春回。驛使先傳夫梅訊。雲情疊荷。露盞彌虔。恭維某官唐家李晟。江表夷吾。百戰而定河山。先憂後樂。一門而兼將相。武達文通。郭令帳前。將佐極貂蟬之

貴。葛侯扇底。風雲尉龍虎之文。即晉黃扉。允符丹臆。第屢移官轍。具有因緣。太原嶺嶠荆湖。到處學壽陵之步。大桁皖城湓浦。經行皆召伯之棠。黃石可師。素書奚恡。

代張中丞賀陝甘制府楊到任並加宮銜啟

昨送蛺蝶。動謳歌於千里。今瞻鸞綬。亞班秩於三公。鵲報一傳。驪聲四溢。恭維某官舊部春回。新恩露湛。威加回紇。郭令公再蒞三邊。道翊元良。周太保仍留二陝。帝曰汝為汝翼。可疑丞輔弼之間。人言公望公才。在太華崑崙之上。黃扉即晉丹臆。允孚某謬。領鵷圻。深虞蚊負。頻年思故里。不勝敬梓之心。一德佐中興。竊有執鞭之慕。

代定興公致額中堂賀冬啟

五紋添線。欣占化日之長。六琯回春。彌仰台星之耀。鴻鈞遙隸。燕賀難名。恭維小山。中堂見天地心。持元會局。寒花晚節。聿耀五龍夾日之勳。溫樹深緘。密含萬象皆春之意。寅恭既協。合八柱以承天。子律潛吹。驗一陽之出地。五雲瞻睇。四海歌謳。某鵷首重來。駒陰自惜。巖疆寄重。於詩慚綆短之吟。綸閣功崇。在禮有履長之賀。

代定興公致許尚書賀冬啟

回天地嚴凝於不覺。澤暖如春。扶乾坤正氣於勿衰。陽生於子。恭惟星叔同年。曳履星辰。依光日月。崢嶸兩府。戎樞獨握於本兵。早晚三台。詔草行除夫真相。梅花入詠。見天心於來復之初。松柏不凋。結主知於歲寒之後。即持堂印。莫既軒輊。某縣隔鶉維。坐拋駒隙。撫少皞庚辛之域。

無所短長。齊龐公戊子之年。慚分大小。

代定興公致孫尚書賀冬啟

地當鶉首。霜葭時切於朔洄。天近螭頭。脂藥盡隨於恩澤。元冬履序。函夏臚歡。恭維某官。心見乾坤。身持元會。緇梅始發。卽和傳說之羹。繡線添長。用補仲山之袞。降網緼而調元氣。早回四海之嚴凝。進君子而退小人。默會一陽之消息。卽膺枚卜。實切葵傾。某暖律徒吹。冬暄未徧。近思廣庇。緣瓶凍以知寒。遠奉輝光。不衣裘而自暖。

代定興公致高陽相國賀冬啟

天地嚴凝。辛一陽之來復。戶庭廣大。實衆正所歸依。再長春宮。彌愛冬日。恭維蘭孫中堂。廊廟孤忠。乾坤正氣。九齡罷相。視開元初政。以何如。彥博登朝。覺慶歷老成之尚在。際此陽升之會。彌瞻風度之和。繞閣行吟。愛橫舟於野渡。舉朝相賀。行趣馬於沙隄。卽入黃扉。莫名丹頌。某得雪占年。涉冰勵志。山河似鏡。已潛回隴首之春。劍佩穿花。猶憶簇筵和之仗。

代定興公致同年諸公賀冬啟

陽和煙景。又春生六琯之葭。偉麗衣冠。正日射九英之樹。興懷舊雨。詣氣冬暄。恭維某官。曳履星辰。依光日月。池邊鴛鴦。深窺芸蕕之生機。闕下夔龍。小動梅花之詩興。酌天漿於白獸。上殿陳謨。候日馭於黃人。登臺紀瑞。蕃釐備至。瑄篇允符。某金方遠宦。玉律潛移。別意誰短長。折待臘將舒之柳。盟心貫金石。視閱時不改之柯。

代定興公致錢侍郎賀歲啟

時新自河南獄歸

關中舊雨。溯秋水以云勞。天上使星。與春風而俱返。黃鐘入律。赤烏有暉。敬維某官梁苑回鑣。容臺秉禮。鄒枚賓從。羣知冰雪之心。嵩洛高深。盡助風雲之氣。人受無疆之福。天開有喜之顏。秩總春官。緬司春於青帝。光依日角。效捧日於黃人。引歧檣輝。彌深葵嚮。弟鶉維再蒞。駒隙徒拋。三輔韶光。依然宮柳。嶽蓮之詠。九霄恩澤。請誦銀鬕翠管之章。

代定興公致閻中堂賀歲啟

地輦黃圖。撫山川之似鏡。堂開綠野。緬杖履以皆春。恭維某官心繫巖扉。身居履道。九重視其出處。以卜海內之盈虛。四夷俟其起居。以覘國是之輕重。屬更歲籥。彌愛冬暄。翠管銀鬕。拜長樂宮中之賜。籃輿竹杖。作洛陽社裏之賓。引領東山。傾心北面。小鶉首重臨。駒陰自惜。託遠驛梅花之使。聊寄魚箋。憇大賢桑梓之陰。願藏鳩拙。

代定興公覆陝西京官賀年啟

出撫三秦。幸託粉榆之蔭。潛吹六管。已回芸荔之春。遠荷蘭言。彌殷薇盟。敬維某官丹地宣勤。玉堂持橐。一代夔龍之望。依溫樹以聯班。九天鸞鶴之羣。入上林而接翅。引簷看采。曷既愉快。弟鬕有新霜。心欣遲日。金城柳老。每慚節鎮之粗官。玉佩花迎。憶簇延和之細仗。

代定興公致譚侍郎賀歲啟

伏以朝右欲周知邊事。則范布文入掌中書。羣情欲鎖鑰北門。則寇平仲出為節度。出入之際。

中外攸資。恭維某官內擢天官。中興人傑。關西建績。勒銘萬丈之崑崙。殿上給扶。拜受三公之
几杖。為元祐諸賢領袖。潞國重來。看會昌五百春光。香山未老。行布崇朝之雨。以為有位者風。
某再履鵜雛。維益增馬齒。他日當居吾此座。深慚羊傳之言。至今猶想見其人。敢拜召公之樹。

請李愛伯先生盍簪社啟

比者碣館羈居。吟朋萃跡。遂建盍簪之社。將為過夏之謀。先生八公招隱。作松桂之主人。互考
為郎。致公卿於門下。固宜講明絕學。引翼勝流。猥自謙冲。避居師食。既孤後進之望。抑非誨人
之心。在昔扶風得士。幸吾道之西行。伊川授徒。嘆兩賢之晚遇。以方目前。殆不為過。汝翼敦叔。
最號醴醪。紫潛仲彝。並勵奇節。子珍內治樸學。外收藻譽。顧皆冲虛悅道。勉從師。若祥者。生
本將家。夙嗜文藝。自違曲江之門。未遂高山之仰。既瞻日月。敢外宮牆。伏望先生俯鑒愚誠。咸
加引掖。臨池而外。偶習房書。走藝之餘。兼游小學。加以巷無南北。解列東西。情話之洽。略比於
家人。詩筒之來。較速於官馬。從此清風朗月。資乎夜談。柔史剛經。排為日課。先生籤題甲乙。筆
勸丹黃。顧而樂之。喜可知已。一月之內。會凡數舉。間携瓢杓。同討幽深。高屐練裙。續勝游於蕭
寺。白魚紫筍。擬風味於故鄉。載佳釀而來。以供函丈。扶籃輦而往。都是門生。花枝照乎琴樽。魚
鳥豔其中服。固知業受河汾。將相乃適然之事。道同莊惠。濠梁真快意之游。請事咸殷。主盟奚
卻。庶幾斐然有作。許狂簡之可裁。來者方多。幸沐浴之不拒。

四月四日醺客龍樹寺啟

閒者待詔公車。盡簪碣館。屬好春之婪尾。謀暇日之遨頭。龍樹寺者。曰下名藍。興誠舊趾也。地非南館。亦許聞簞。會異西園。每勞飛蓋。微壺練帶。好看佛院之花。晚筍初櫻。聊具香積之飯。期以月之四日。集飲於兼葭。移時先浴佛之辰。人符登瀛之數。蠻榼始至。則馴鴿窺厨。犢車欲來。則山僧掃徑。加以積雨初晴。軟塵尚濕。遠山新沐。雙鬟墮煙。叢荻怒生。一碧成海。足以消除世慮。吐納煙嵐。所望佳興與同。輕軒夙駕。加辰即往。逮暮始歸。諸天寂鐘梵之音。六時領山水之趣。花枝照席。可代酒籌。簾翠微波。時通棋響。將使斜簪散幘。朝士遜其蕭閒。羽扇絲囊。長安傳其韻事。斯纓裾之極盛。亦京洛之俊游。其或定子能歌。紅兒善舞。迎來油壁。佐我清樽。則天女散花。亦入維摩之室。侍兒倚笛。曾吹金谷之春。儻載花來。定回佛笑。幸辱玉趾。敢布紅箋。

約王殿撰看花啟

春光九十。都人士競逐遨頭。佛名三千。子大夫哀然舉首。將騁懷於暇日。宜隔面於同年。可莊仁兄。舊學書裙。新恩賜炬。三館牡丹之製。寫進珠簾。四箱芍藥之花。分簪紗帽。少日詠梅花而安排宰相。九重對蜀柳而想見風儀。乃被寵遇之李翰林。亦合時宜之蘇學士。間者麴塵風暝。綺陌晴薰。曰觀乎。曰既且。猶是永和之上已。如遊龍。如流水。最多長安之麗人。勝日尋芳。先期折簡。出游京洛。觀者問誰家之璧人。試倚兼葭。皎然如風前之玉樹。

家大人六十生日徵詩文啟

蓋聞事親之義。莫大乎顯揚。不朽之徵。必資乎文字。而況功成銅柱。是伏波矍鑠之年。會列者